



## **Universitätsbibliothek Paderborn**

**De Perfectionibvs Moribvsqve Divinis Libri XIV**

**Lessius, Leonardus**

**Antverpiae, 1620**

Cap. XXV. De pœnarum æternitate, & qua ratione iustè pro vno peccato  
mortifero Deus infligat pœnas æternas.

[urn:nbn:de:hbz:466:1-46817](#)

tenebris conticescent. quod intellige dicitur, qui profuditius demersi erunt: qui enim saltem capite extabunt, clamare poterunt; quales forte erunt, qui minus grauiter peccarunt. Quod si omnes ita demergantur, ut nullus supernè extet, compescentur omnes clamores, & omnes blasphemiae vocales, eritque ibi magnum silentium: quod non parum augebit ipsorum tormentum, dolore intus sanguine, nec valente per vocem erumpere. Hæc de poena sensus.

## Pœna damni.

Pœna damni consistet in priuatione æternæ gloriae, & omnium bonorum ac gaudiorum quibus Beati fruentur, vel quæ aliquo modo possidebunt. Damnum hoc duplice ratione est infinitum; tum quia est amissio boni infiniti, tum quia durabit in infinitum. Hinc sequetur immensa quedam tristitia, quam ex consideratione tantidamni concipient. Sicut enim gaudium quod Beati ex possessione sempiterna tantorum bonorum percipient, erit ineffabile, ita tristitia quam damnati concipient ex aeterna priuatione eorumdem bonorum, ineffabilis erit, ad cuius augmentum non parum faciet ea consideratio, quod illa bona facile potuerint obtinere, & sua culpa amiserint.

Triplex afflictio in damnatis.

Itaque generatim triplex erit afflictio in damnatis. Primo, Erunt summi dolores sensuum, totiusque corporis interius & exterius. Secundo, Erit summa animi tristitia ex consideratione tantorum malorum in quæ inciderunt. Tertio, Erit summa tristitia ex consideratione bonorum quæ amiserunt, supra omnem autem modum affliget illos consideratio aeternitatis, & quod nullo tempore horum malorum erit anis, vel aliqua saltem mitigatione. Hinc sequetur desperatio, furor, & maledictio, qua & seipso, quod fibi tantorum malorum causa fuerint, & Deum qui ipso condidit, & parentes qui generunt, & daemones qui seduxerunt, & socios qui allegerunt, & omnem creaturam male dicent.

## C A P V T X X V.

De pœnorum aeternitate, & quaratione iuste pro uno peccato mortifero Deus infligat pœnas aeternas.

Quatuor articuli Fidei maximè difficiiles.

QVATVOR sunt mysteria nostræ sanctissimæ fidei maxime difficultates creditu menti humanæ, mysterium Trinitatis, Incarnationis, Eucharistiae, & aeternitatis suppliciorum. Unde plurimæ circa hæc fuerunt, & adhuc sunt hæreles. Quam ob causam diuina quoque

quoque prouidentia curauit & maximè confirmari & stabiliri, partim testimoniis Scripturarum, partim definitionibus Conciliorum, partim miraculis & sanctitate vitæ eorum qui hæc dogmata propagarunt. Verum omisssis ceteris, agamus de pœnaru[m] aternitate. Hanc negant omnes athei, & qui animam mortalem faciunt, quorum plerique etiam sunt athei. Verum hi omnes pœnas quæ post hanc vitam infligantur, è medio tollunt, cùm tollant eum qui infligantur, vel cui infligantur. Negant quædam Anabaptistarum sectæ, ut quidam Auctores de illis scriperunt. Ethnicis etiam, quando ad fidem conuertendi, valde difficultis est creditu. Valde enim videtur abhorrire à recta ratione, & à benignitate ac misericordia Dei, propter peccatum quod momento transit, infligere pœnas aternas adeò atroces. Negavit olim Origenes, & docuit, omnes animas impiorum & dæmones post aliquot sœcula liberandos, & Angelicæ luci ac felicitati restituendos: nimis quando per ignem & supplicia inferorum plenè fuerint expiati. Verum hanc felicitatem putabat non fore perpetuam; sed rursus post aliquot sœcula in miseriam commutandam, longo enim sœculorum decursu fore ut tædio diuinæ contemplationis affecti, peccato se contaminent, ob quæ rursus detrudantur in corpora; in quibus si iniquè vixerint, demergendo in ignem tartari, quo expiati, rursus cælo & diuinæ contemplationi restituantur. Hanc vicissitudinem felicitatis & miseriae in omni creatura rationali statuebat aeternam, ita ut infinites eadem animæ, & ijdem dæmones sint futuri nunc beati, nunc miseri. Refert S. Hieronymus Epistola ad Pammachium contra errores Ioannis Ierosolymitani, & S. Augustinus De Hæresibus cap. 43. & alii Patres.

Multa absurdæ continent hæc doctrinæ, quæ non est huiusmodi refutatur. operose refutare: tuertit enim fundamentum religionis Christianæ, & omnes diuinæ promissiones: eneruat & ad nihilum pœna redigit preium Sanguinis Christi, & omnia salutis nostræ remedium. si enim aeterno quodam circulo voluemur per miseriam & felicitatem, & numquam plane liberi erimus à tyrannide peccati, quid magni nobis Christus per suam passionem contulit? quid magni nobis post hanc vitam expectandum? nam etiam cùm videbimus aliquid felicitatis habere in cælo, erimus verè miseri expectatione futuri lapsus & malorum impendentium. Sanè longè melius & optabilius erat numquam extitisse in rerum natura, quam semper tyrannidi peccati & tantis malis esse obnoxium & expositum.

Denique,

Bulengerus  
lib. 2. contra  
Anabaptistas  
cap. 15.

Origenis er-  
ror de aeterno  
circulo felici-  
tatis &  
miseriarum.

Denique; si circulus iste Origenis admittatur , concedendum erit, Christum debere infinites pati, ut animæ quæ de nouo in corpora relegatae fuerunt, redimantur ; infinites quoque futurae resurrectionem, & Iudicium vniuersale. Omnis alia absurdâ, quæ hæc sententia secum trahit.

*Panas im-*  
*fiorum fore*  
*eternas.*

Nunc breviter ex Scripturis ostendamus has pœnas sempiternas <sup>164</sup>

Iudith 16. Dabit ignem & vermes in carnes eorum, ut vorantur & sentiant usque in sempiternum. Psal. 48. Introibit usque in progenies patrum suorum, & usque in eternum non videbit lumen. semper erit in tenebris & afflictione, nullam percipiet umquam consolationem. Psal. 91. Nimirum profunde factæ sunt cogitationes tuae, decreta tua de hominibus, &c. Vir insipiente non cognoscet, & stultus non intelliget hæc. Cum exorti fuerint peccatores sicut fenum, & apparuerint omnes qui operantur iniquitatem, ut intereant in seculum facili: tu autem Altissimus in eternum Dominus. quasi dicat: Tunc apparebit confilium tuum, & cogitationes tuae, nempe quod omnia consideris & sic constitueris, ut impij æterno supplicio, iusti æterna donentur gloria. Isaiae 66. Vermis eorum non morietur, & ignis eorum non extinguetur. quæ verba ter repetuntur à Domino Marci 9. Ex quibus perspicuum est, cum in aliis locis ignis dicitur *eternus*, vel supplicium *eternum*, rô *eternum* non posse accipi pro longissimo aliquo tempore finito, ut volebat Origenes, sicut interdum accipitur in Scripturis: sed de vera æternitate, quæ nullum habet finem. Vermis enim qui non morietur, in eternum vivet, & numquam finem habebit: & ignis qui non extinguetur, siue qui inextinguibilis est (ut Marcus habet) sine fine ardebit. Daniel. 12. Multi de his qui dormiunt in terra puluere conigilabunt sibi in vitam eternam, & alii in apprebiuum ut videant semper. Ut videant, id est, ut sentiant, experientur, sustineant opprobrium eternum. Matth. 3. Paleas comburunt igit inextinguibili. & cap. 25. Discedite à me maledicti in ignem eternum, &c. & infra: Ibunt hi in supplicium eternum, iusti autem in vitam eternam. Sic ergo supplicium inorum erit eternum, sicut vita horum erit æterna. Atqui vita iustorum erit propriæ æterna, ita ut nullum umquam finem habeat, ut pater tum ex Symbolo, in quo credimus vitam eternam; tum ex plurimis Scripturæ locis, quibus prædictum iustorum dicitur hereditas incorruptibilis, immarcescibilis, eterna; ubi non erit amplius mors aut luctus, & similia. Ergo supplicium iniquorum erit propriæ eternum, ita ut numquam finit-

1. Petri 1,4.

2. Cor. 5,1.

Apoc. 21,4.

terminandum. 2. ad Thessalon. 1. Qui pœnas dabunt in interitu eter-  
nas à facie Domini, & à gloria virtutis eius, cùm venerit glorificari in  
Sanctis suis, & admirabilis fieri in omnibus qui crediderunt. Denique  
Apoc. 14. Si quis adorans sit bestiam, (id est, Si quis consenserit An-  
tichristo, vel precursoribus eius hæreticis) cruciabitur igne & sul-  
phure in conspectu Angelorum sanctorum, & ante conspectum Agni,  
& fumus tormentorum eorum ascendet in secula seculorum, nec habent  
requiem die ac nocte. Omitto alia loca plurima. Eamdem veritatem  
tradunt omnes Patres: nec quidquam ferè est, quod æquè vel in  
Scripturis vel in Patribus inculcetur, atque præmiorum & pœna-  
rum post hanc vitam aeternitas.

165 Verum difficile videtur intellectu, qua ratione tanta pœna iuste  
peccato mortifero respondet. Vnde variae adferuntur huius rei  
causa. Prima est, quia et si actus peccati re ipsa breuis fuerit & citè  
transferit, affectu tamen peccantis fuit aeternus: vellet enim <sup>Qua ratione  
peccatum mor-  
tiferum me-  
reatur pa-  
nam aeternam.</sup>  
peccans, (si fieri posset) semper in suavitate & oblatione, quam pec-  
cando percipit, permanere. ita S. Gregorius lib. 4. Dial. c. 44. Velle,  
inquit, sine fine vivere, ut posset sine fine peccare: districtus autem Iu-  
dex corda pensat & affectus, non facta. Ad magnam erga iustitiam iu-  
dicantis pertinet, ut numquam careant supplicio, qui in hac vita num-  
quam voluerunt carere peccato. Hæc ratio continet bonam & utilem  
congruentiam, non tamen satisfacit intellectui; quia multi pec-  
cant, qui tales affectum non habent, sed solùm ad breve tempus  
cupiunt oblationem vel commodum ex peccato, cum proposi-  
to abstinendi in posterum. Nec refert, quod si semper eadem cir-  
cumstantia manerent, semper vellent peccare: quia sicut re ipsa  
eadem circumstantia non manent, ita neque re ipsa talem volun-  
tatem habent, neque ea de le cogitant. Deinde, etiam si in omnibus  
qui peccant esset talis affectus, quo cuperent semper vivere, ut  
semper possent voluptatibus peccatorum frui, (qui sancte est in mul-  
tis,) hoc tamen affectus est inefficax, neque potest aquari affectui  
aeterno, aut peccatis que aeterno tempore committerentur, ac pro-  
inde ex hoc capite non potest mereri pœnam aeternam. Vnde alij  
DD. causam huius referunt in naturam peccati mortali, quod  
tollit principium vitae spiritualis, nempe charitatem, & infert mor-  
tem animæ. Vnde sequitur, esse irreparabile, & consequenter, mer-  
eri pœnam aeternam. Ita S. Thomas 1.2. q. 87. a. 3. quem sequun-  
tur multi alij. Cuius rationis vis consistit in eo, quod omne pecca-  
tum mercatur puni, donec sufficiens pro eo exhibeatur satisfa-  
ctio;

Qqq

ctio; vel donec peccator reparet ordinem quem peccando violauit, conuerrendo se per charitatem ad Deum, à quo se auertit. Atqui is qui peccauit mortiferè, nullo vñquam tempore potest exhibere sufficientem satisfactionem, nec potest instaurare ordinem quem violauit. Ergo meretur puniri sine fine. Hæc ratio probabilis est, habet tamen non modicam difficultatem: quia etiam si recte crimen puniatur, donec reus plenam exhibeat satisfactionem, quando eam exhibere potest, & non vult, eò quod tunc peccatum suum liberè continuet, & sit contumax: tamen nulla ratio vel æquitas postulat ut semper puniatur, quando nullo modo potest satisfacere, vel iniuriam damnumve illatum compensare. Quis enim dicat, cum qui commisit furtū, vel mutilauit aliquem membro, debere tamdiu flagellaris & torqueri, quamdiu non sancit datum, cùm non sit in eius potestate illud sarcire?

Dices: Damnati semper peccant, & numquam abstinent à peccando, ergo merentur semper puniri. Respondeo: Etiam si semper peccent, non tamen punientur ob illa peccata, cùm sint extra statum merendi & demerendi; sed solum punientur propter actum peccati quém fecerunt in vita, quem vellent se numquam fecisse, & vehementer de eo dolent, quatenus tantorum malorum ipsis causa extitit, & si possent, omnibus modis cuperent pro eo satisfactionem instam exhibere. Quod autem semper peccant, id prouenit ex desperatione, quia sciunt se numquam liberandos: ac proinde iam supponitur pena æterna propter solum actum præteritum decreta. Quidam vtuntur hac ratione, qua putant perspicue cludere: Omnis pena infligitur propter culpam; ergo tamdiu durare debet pena, quamdiu perseuerat culpa: atqui culpa post hanc vitam numquam remittitur in inferno, ibi enī nulla est penitentia; ergo nec pena finiri debet. Verum nequv hæc ratio satisfacit; nulla enim æquitas postulat, ut reus tamdiu puniatur, quamdiu non recipitur in gratiam, ut patet in rebus humanis, ex quibus philosophari debemus de diuinis: non enim tanto tempore punitur reus, quia manet in culpa habituali, quam non potest delere; sed quia per actum suum meruit tamdiu puniri. potest autem pena peccato debita exhaustiri & finem habere, etiamsi ipse maneat despctus & vilis in Republica. Neque dubium est, quin Deus posset aliquid peccatum non mortiferum condigne punire, etiamsi culpa seu macula peccati non condonetur, ut quando veniale coniungitur cum peccato mortifero. Pari modo nulla æquitas postulat,

lat, ut quia Deus non statuit dare gratiam damnatis qua pœnitentiam agant, idcirco debent in æternum puniri: non enim idcirco puniuntur in æternum, quia non agunt pœnitentiam, aut quia Deus non statuit illis dare auxilium; sed idcirco non statuit eis dare auxilium, quia eorum peccatum quod olim fecerunt, postulat æternam pœnam; & consequenter, ut in perpetuum eis denegetur auxilium, quo salubriter possint pœnitere.

- 167 Itaque fatendum est, ipsum peccatum per se tantam pœnam mereri, non quia deleri non potest, sed quia per se tantam malitiam continet, ut æterna castigatio secundum legem iustitiae ei respondeat. Quod confirmatur, *Quia peccatum mortiferum per se meretur aliquam pœnam, quæ illi ex æquo respondeat;* & talis pœna à Deo cognoscitur. hæc autem vel est finita, vel infinita. Non finita, quia alioquin aliquando foret exhausta; & quidquid ulterius pœna irrogaretur, esset supra condignum, & excederet limites iustitiae. Ergo infinita: ac proinde ipsum peccatum secundum se, & ratione propriæ malitiae, præcisa consideratione illa, an sit deabile an indeleibile, meretur pœnam infinitam duratione. Quod ut melius intelligatur, explicandum est capite sequenti, in quo consistat malitia peccati.

## CAP V T X X VI I.

*In quo consistat malitia peccati, & quo modo mereatur pœnam infinitam, seu æternam.*

- 168 QUOD ad priorem partem attinet, communior Doctorum sententia est, malitiam peccati consistere in quadam priuatione, idque ob duas petitissimæ causas. Primo, quia hoc sancti Pares passim insinuant. Secundo, quia si malitia consistet in aliquo positivo, Deus esset auctor peccati, quod dictu nefas. Verum id diuersis modis explicatur, præfertim à recentioribus, adeo ut quinque vel sex modi explicandi & sententia experiantur: non enim conueniunt, nec in assignanda bonitate illa, in cuius priuatione consistat malitia peccati, nec in subiecto in quo immediate sit illa priuatio, nec in modo explicandi illam priuationem: nam multi dicunt non esse priuationem, sed negationem.

Primus modus explicandi est eorum, qui dicunt, malitiam peccati commissionis (de hoc enim hinc agitur) consistere in priuatione.

Q q q 2

*Varij modi  
explicandi  
hanc senten-  
tiam,*